

N° 2022/E3/41

**Question orale déposée par Marie-Claude BRANCA  
au nom du groupe « Core In Fronte »**

**OBJET : Riorganizzazioni è sviluppu di a CDAF ( Commission départementale d'aménagement du foncier ).**

Sgiò cunsiglieri in carica di u sviluppu di l'agricultura

Missa in ballu in u 2011 sta cummissioni avia per scopu di middurà è di facilità i cundizioni di splutazioni di i pruprietà rurali è assicurà a so missa in valori è a privinzioni di i risichi naturali.

Unu di i roli impurtanti di sta cumissioni era di metta in valori i tarreni tralasciati o abbandunati è di ubicà i pruprietari di sti tarreni à pullisciali è à cultivà li dopu una riunioni di a cumissioni è l'analisi di tutti l'elementi.

Sta cumissioni sott'a cumpitenza di u cunsigliu ginirali era efficaci è era un arnesi impurtanti par u sviluppu di a noscia agricultura.

Da poi a fusioni di i cunsigli generali è u passaghju à CDC in u 2018 sta cumissioni ùn si riunisci più parchì incù u cambiamentu di cullittività ci voli di eleghja nuvelli membri è da tandu nudda hè statu fattu.

Sapendu chi l'agricultori hani bisognu di tutti l'arnesi pà aiutà li chì i so tarri so in priculu incù u riscaldamentu climaticu, a sicchia, i risichi di focu da un cantu è a speculazioni fundiaria è è u tuttu turismu da l'altru com'hè chi dapoi 4 anni ùn abbiate riorganizzatu sta cummissione ?

Tralascià un arnese impurtantu pà l'agricultori voli di tralascià l'agricultori chi so l'artigiani di ciò chi era a noscia ricchezza principali è chi duvaria essa una di i nosci primuri .

Sgiò cunsiglieri seti prontu à riorganizzà è migliurà sta cummissioni incù l'aiutu di i vosci sirvizi, di l'agricultori è di tutti quiddi chi si primurighjanu di l'avvene di a noscia agricultura ?